

**EVELYN WEVER-CROES  
Y EDGARD VROLIJK DEN  
PROGRAMA RADIAL “INTERES  
DI PUEBLO” DIASABRA AWOR**



**WWW.SOLODIPUEBLO.COM**



**SOLODIPUEBLO@GMAIL.COM**

## **MINISTER XIOMARA NA MIKE: DANKI NA MEP BO POR PRONKIA Y PARTI PLACA**



**Xiomara Maduro**  
2h · 🌐

**Mike no a move ni un dede pa logra e surplus cu Aruba tin awe pa paga e debe cu e mes a traha riba cabes di tur hende. Mike bo mester acepta cu ta danki na MEP awe bo por pronkia y parti placa rond cu no ta di bo.  
[#LagiNekOhm](#)**

## **El a bisa cu e ta huma marihuana tur dia na cas MUCHA DI 17 AÑA DILANTI HUES PA MENAZA HENDE CU ARMA**

## **MEP KIER TRANSPARENCIA RIBA E AMIENDA DI PRESUPUESTO 2025**



## **STUDIANTE DI MERCA SUDI KSHA KONANKI A DESPARCE MISTERIOSAMENTE NA PUNTA CANA**



**“FORMADORNAN TA  
TRECE INFORMACION  
INCORECTO PADILANTI”**



# GABINETE DI ARUBA NA MEET & GREET CU ALUMNONAN DI COLEGIO ARUBANO



Den Haag – Un delegacion di Gabinete di Minister Plenipotenciario di Aruba

a haci un bishita na Balk, provincia di Friesland pa a topa y papia cu e grupo di alumnonan di

Colegio Arubanan cu e siman aki ta na Hulanda cu un biahe di estudio. E delegacion di Gabinete di Aruba a consisti di director Joselin Croes LL.M/M.Sc., Jennifer Sneek di departamento di Enseñansa di Gabinete di Aruba, Sidney Kock PR di Gabinete di Aruba y e studiemmentornan Garlon Hasham, Shahaira Brokke, Nathaly Deville-Russel y John Dirks.

Director di Gabinete di Aruba Joselin Croes a tene un discurso pa e alumnonan na unda ela presenta e retonan cu hobennan ta enfrenta

ora nan bin studia na Hulanda, manera haya un camber of lugar pa biba, e idioma Hulandes y discriminacion. Sra. Croes a bisa cu e preparacion na Aruba mester cuminsa tempran, por ehempel inscribi na tempo pa un camber. Si bo ta determina pa bin studia na Hulanda, lesa corantnan Hulandes y mira programanan di television Hulandes. Segun Joselin esaki no unicamente ta yuda na domina e idioma Hulandes, pero tambe pa tin informacion riba e situacion na Hulanda. Señora Croes a bolbe enfatisa cu Gabinete di

Aruba tey pa sostene nos studentenan via e sistema di mentor y cu studentenan no mester warda cu problema, pero acerca su mentor prome cu ta demasiado laat.

Despues e mentornan individual a papia for di nan experiencia riba diferente aspectonan di studia na Hulanda y recomendacionnan y cu e alumnonan mester prepara nan mes adecuadamente prome cu nan bin Hulanda.

Nota pa redaccion: E potretnan ta cortesía di Arubahuis

Prome Minister Evelyn Wever-Croes:

Bishita di Prome Minister na St Dominicus College den conexion cu Dia di Himno y Bandera

## PROME MINISTER TA SUMAMENTE CONTENTO DI MIRA CON PREPARA NOS MUCHANAN DI KLAS 5 Y 6 TA PA NOS DIA NACIONAL

- Den e ultimo 7 añanan di gobernacion di Gabinete Wever-Croes, den conexion cu Dia di Himno y Bandera, Prome Minister Evelyn Wever-Croes ta bishita varios scol pa asina mira con cada scol ta prepara nan alumnonan pa e dia importante aki. E aña aki no ta un excepcion y diahuebs mainta Prome Minister acompaña pa Minister di Cultura Xiomara Maduro a cuminsa cu su bishitanan.

Un di e scolnan cu Prome Minister a bishita e mainta aki ta St Dominicus College. Na su yegada el a wordo saluda pa e scol completo creando asina un experiencia hopi

particular y special. Durante su bishita, Prome Minister a combersa cu e alumnonan di klas 5 y 6 y a hacinan varios pregunta di cual uno tabata si nan ta stima Aruba y kico nan ta haci pa demostra esaki. E contestanan tabata hopi varia, algun a bisa cu nan ta demostra nan amor pa Aruba teniendo e isla limpi, otronan a bisa cu nan ta cuida e animalnan, y otronan a bisa cu nan ta mustra respet pa nos himno y bandera.

Prome Minister a expresa di a keda sumamente contento cu e contesta di e alumnonan y di wak con bon e docentenan ta prepara e muchanan pa cu nos dia nacional.

Ela conseha cada un di e muchanan pa semper ta e miho version di nan mes y pa haci nan best den tur loke cu nan propone nan mes, paso ta asina bo ta demostra bo amor pa Aruba y bo ta hiba nos dushi isla padilanti.

"Mi kier a gradici meneer Mario pa ricibi nos e mainta aki mirando cu cabesante señora Caroline Cardose ta sufriendo un kebrante di salud. Tambe mi kier a gardici e ekipo completo di St Dominicus College pa duna nos e oportunidad di comparti un rato agradabel cu e alumnonan di klas 5 y 6.

Mi ta spera cu e charlanan aki



lanta e muchanan nan motivacion pa haci lo maximo pa yuda hiba Aruba padilanti. Nos alumnonan ta bon prepara, nan tin un stimacion grandi pa e pais y pa nos himno y bandera. Mi ta sumamente contento cu na St Dominicus College nan ta inculca e amor pa nos pais, y pa nos himno y bandera den curason di nos muchanan" Prome Minister a expresa.



# MINISTER XIOMARA NA MIKE: DANKI NA MEP BO POR PRONKIA Y PARTI PLACA

Den un reaccion fuerte, Minister Xiomara a contesta e critica di Mike Eman, y a laga bon cla cu Eman no a move ni un dede pa logra e surplus financiero cu Aruba tin awe.

Segun e minister, e surplus aki ta un resultado directo di e trabao firme y decisionnan cu a wordo tuma pa drecha e finanzas

di pais, despues di añanan di debe y desbalance.

“Mike, bo mester acepta cu ta danki na MEP cu awe Aruba tin un posicion financiero hopi mas fuerte,” Minister Xiomara a bisa. “Bo mes a traha debe riba cabes di tur hende, y awendia bo ke pronkia y parti placa rond manera si e ta merito di bo. Pero e realidad ta otro.”



**Xiomara Maduro**

2h · 🌐

**Mike no a move ni un dede pa logra e surplus cu Aruba tin awe pa paga e debe cu e mes a traha riba cabes di tur hende. Mike bo mester acepta cu ta danki na MEP awe bo por pronkia y parti placa rond cu no ta di bo.**  
**#LagiNekOhm**

## ENCARGO DI FORMACION GOBIERNO DI ARUBA

Gobernador di Aruba, Su Excelencia Alfonso Boekhoudt, awe mainta a wordo informa door di e formadornan, Sr. Michiel G. Eman y Sra. Gerlien L. Croes, di e progreso di e proceso di formacion.

Ambos partido a indica cu nan ta den e proceso di finalisa e acuerdo di gobernacion. Loke a

resulta ta cu e instancianan concerni pa cu e ehecucion di e ‘Landsverordening integriteit ministers’ a duna di conoce cu ainda nan no a logra termina cu nan trabounan den cuadro di e ley aki.

Mirando cu ta di suma importancia cu e instancianan aki por finalisa nan trabounan

encuanto e ley di ‘Landsverordening integriteit ministers’, a tuma e decision pa prolonga e encargodiformacion. Gobernador ta spera di por reuni cu e formadornan otro siman pa consulta e acuerdo di gobernacion final y e alocacion di carteranan. E resultadonan di e investigacion realisa a base di e ‘Landsverordening integriteit ministers’ tambe lo wordo discuti e dia aki.

**Parlamentario Endy Croes (MEP):**

## TA FELICITA GABINETE WEVER - CROES II CU DIFERENTE VELD TA HAYA LUZ LED, TIN TURF NA CAMINDA Y IBISA SPORT CENTRUM A HAYA SU DEBIDO ATENCION DEPORTE TA GANA!

Durante conferencia di prensa dialuna ultimo, Parlamentario Endy Croes a elabora riba diferente proyecto deportivo di Gabinete Wever – Croes II cu ta tumando luga, unda cu a señala cu siman pasa a inaugura e luznan LED ultramoderno na veld di Estrella y dialuna anochi a cende e luznan nobo na veld di Dakota. “Mi ta gradici Minister Dangui Oduber

cu ta permiti mi yuda y coordina e proyectonan aki”, Parlamentario Croes a expresa. Despues lo continua cu veld di San Luis, Sportboys y Tanki Leendert.

Den luna di april/mei cinco (5) otro cancha deportivo lo wordo ilumina. Na e momento ey, e gobierno di turno lo celebra e logronan di Gabinete Wever – Croes

II. Palabra di pabien na S.V. Estrella y S.V. Dakota. Tambe diabierna ultimo, a haci e “groundbreaking” y a pone e prome piedra pa e dak riba e tereno Deportivo na IBISA Sport Centrum na San Nicolas.

Desde aña 1982, cu el a habri e peticion y deseo aki tabata tey y nunca el a haya atencion. “Nos a pone e prome piedra pa fase 1, cual

ta e dak. E di dos (2) fase di e proyecto a wordo entrega pa e dak banda pabou pa alivia y trece sombra pa nos hoben- y grandinan activo, federacion, hoben den barrio y e scolnan den bisindario cu haci uzo di e facilidad aki.

Por ultimo, palabra di pabien na deporte cu a ricibi su luga, ayudo y sosten di, entre otro Lotto pa Deporte y Gabinete



Wever – Croes II den su totalidad.





# NoticiadiCorte

## El a bisa cu e ta huma marihuana tur dia na cas **MUCHA DI 17 AÑA DILANTI HUES PA MENAZA HENDE CU ARMA**

Awe mainta, Corte di Husticia a trata e caso penal cu Ministerio Publico a cuminsa contra e hoben homber S.H. (17), kende ta wordo acusa di a menaza hende cu arma.

SOLO DI PUEBLO por a compronde cu durante tratamento di e caso a sali na cla cu S.H. ta huma marihuana tur dia y cu e mama ta lag'e hacie. E mama a bisa Hues cu asina su yiu ta keda trankilo.

### MENAZA CU ARMA

Den sala di Corte tabata presente e mayornan di S.H. Hues a puntra S.H. riba e caso na October 2022, caminda el a forza un homber pa dun'e su celular. S.H. a admiti pero no ta corda con el a sosode.

Hues a bisa cu e raport di Polis ta mostra cu S.H. a bay riba un homber y a existi pa e homber dun'e su celular. S.H. a lanta su flanel y muestra e homber cu e tin un machete. E ora ey e homber a duna e celular. Relaciona cu esaki, S.H. tambe ta wordo acusa di posesion di un machete riba caya.

E otro caso tabata dia 1 September 2023, caminda S.H. a menaza e dama K. cu un arma di candela. Ta asina cu Polis a detene S.H. y a hay'e cu e arma. A resulta cu ta un revolver di aire cu ta parce un arma di candela. S.H. tambe ta wordo acusa di posesion di un arma di candela.

Hues a bisa S.H. cu e revolver di aire ta wordo considera como arma di candela. Hues a puntra S.H. pakico e tabata cana cu e arma. S.H. a bisa Hues cu ta normal. Hues a remarca cu esey no ta un celular cu bo ta cana cun'e. Hues a bisa cu S.H. a expresa "awor boso ta bay h.... Mi ta bay tira boso". Hues a bisa cu e expresionnan

ey ta considera como menaza. Segun S.H., un hende a menace cu un revolver 38 y pesey el a dicidi di busca un arma.

### HUMA MARIHUANA TUR DIA

Durante tratamento di e caso a sali na cla cu S.H. ta usa marihuana tur dia. Hues a puntr'e si e ta un adicto. S.H. a bisa cu e no ta un adicto.

Hues a pidi e empleado di Reclasing cu tabata presente den sala di Corte, pa duna mas informacion riba evaluacion di Reclasing. E dama di Reclasing a splica Hues cu diferente hende a papia cu S.H. El a recomenda pa Hues scucha e mama, kende a participa den e programanan cu su yiu S.H. mester a sigui. E mama a bisa Hues cu e ta haya cu S.H. a cambia. E mama a bisa cu S.H. no ta anda mas den gang. El a splica Hues cu ora S.H. caba na school e ta bay cas y ta huma marihuana hunto cu e otro ruman homber. Hues a remarca cu psicologo ta preocupa cu e usamento di marihuana. E mama a bisa cu e marihuana ta calma S.H. E tata di S.H. a bisa cu S.H. a cambia y no ta cana den gang. E ta traha na un compania.

### FISCAL

Fiscal a bisa cu e ta haya legalmente proba cu S.H. a menaza hende cu machete pa dun'e e celular na 2022.

E di dos caso riba 1 September 2023, Fiscal a bisa cu e dama K. a haci denuncia ora el a mira S.H. cu e revolver. E dama a kere cu ta un arma di berdad S.H. tabatin siendo cu e ta un revolver di aire. Fiscal a bisa cu ley ta mostra cu revolver of pistol di aire, ta wordo considera un arma di berdad pasobra e ta suficiente pa causa spanto na otro persona.

Fiscal a hala atencion di S.H. cu e casonan aki

tin castigo di prison pero Fiscal ta tene cuenta cu ta promer biaha S.H. a cay cera.

Fiscal a mostra cu a purba duna S.H. un chens door di tene Tomzitting pero S.H. no a cumpli cu tur e exigencianan. Ta pesey a dicidi di haci e caso penal.

Fiscal a bisa cu e ta contento di scucha cu S.H. ta bay bon na school y tin un trabao. Fiscal ta preocupa cu S.H. ta sigui usa marihuana. El a hala atencion di S.H. cu si e sigui usa droga, a lo largo e no lo haya un trabao fiho pasobra ora haci test di droga na trabao, esaki lo tin consecuencia p'e. Fiscal a bisa cu e ta existi un castigo combina pa asina pone presion riba S.H. Fiscal a existi 360 dia di prison di cual 287 dia ta condicional cu 2 aña di prueba y bou guia di Reclasing. Tambe Fiscal a existi un multa di 250 florin of 5 dia sera pasobra S.H. a cana cu un machete.

### ABOGADO

Mr. D.Croes a bisa Hues cu S.H. ta un hoben hopi sera y no ta papia. E abogado a bisa cu e famia ta bay di acuerdo cu e exigencia di Fiscal.

### SENTENCIA

Hues a sera tratamento di e caso y a dicta sentencia di biaha. Hues ta haya legalmente proba tur e acusacionnan y cu ta trata di casonan serio. Hues ta haya cu S.H. ta bayendo den bon direccion. El a confirma exigencia di Fiscal pero e multa, Hues a bisa cu esey ta bira condicional. Hues a condena S.H. na 360 dia di prison di cual 287 dia ta condicional cu 2 aña di prueba y bou guia di Reclasing. Hues a haci e multa di 250 florin, condicional cu un tempo di prueba di 2 aña. Cu e sentencia aki, S.H. no mester bolbe bay sera.

## ACCIDENTE PA FALTA DI PREFERENCIA DILANTI NOORD MEDICAL CENTER

Diaranson merdia a drenta informe di un accidente na e crusada dilanti Noord Medical Center, mesora a dirigi un patruya na e sitio. Na yegada di e patruya a bin compronde cu aki ta trata di un Pick-up D-Max a bay reverse subi caminda sin a duna preferencia na e Hyundai Accent cu tabata bini for di Alto Vista y a bay dal den esaki. Afortunadamente ningun hende a resulta herida.





# STUDIANTE DI MERCA SUDIKSHA KONANKI A DESPARCE MISTERIOSAMENTE NA PUNTA CANA



Un estudiante universitaria di 20 aña, Sudiksha Konanki, originalmente di India, cu residencia mericano a desparce durante un bishita di spring break na Punta Cana, Republica Dominicana. Konanki, un studiante di biologia na Universidad di Pittsburgh, a yega Punta Cana dia 3 di maart, huntu cu 5 amigo. E desaparicion a tuma lugar riba e madrugada di 6 di maart, despues di un un “apagon” na hotel Riu Republica, unda nan tabata hospeda. Segun imagenanan di seguridad, Konanki a sali pa un caminata tempran na lama, rond 4:15 a.m., hunto cu su amigonan i dos otro persona. Eventualmente, el’a keda atras cu un di e hombernan. E homber, identifica como Joshua Steven Riibe, di 24 aña, a wordo nombra como persona di interes den e caso, pero no a wordo acusa pa husticia ainda. Riibe a duna storia contradictorio tocante e evento, incluyendo cu nan a bay landa, y a wordo

sorpres pa un ola grandi, i cu despues nan a drumi riba e beach. Video camera ta graba Joshua Riibe drentando hotel, SIN SHIRT y SIN KEDS. Autoridadnan local, huntu cu FBI i otro organizacionnan internacional, ta intensifica e buskeda pa Konanki. Ta usabdi drone, helikopter i cachi di deteccion pa scan e area di costa. E hotel Riu República a enfrenta critica di huespednan tokante seguridad i otro problema, incluyendo falta di comunicacion tocante riesgo di lama, blackoutnan di coriente, problema cu tarheta di yabi, falta di awa of airck, i mal servicio di internet. E hotel a expresa preocupacion i simpatia, declarando cu seguridad di nan huespednan ta un prioridad y cu nan ta cooperando completamente cu e autoridad. E famia di Konanki a yega na República Dominicana pa asistí na



e buskeda i ta pidi pa un investigacion mas amplio, incluyendo posibilidadnan di secuestro. Su tata, Subbarayudu Konanki, a indica cu e ta sospecha cu su yiu por a wordo secuestra, pasobra su curpa no a wordo haña. E investigacikn ta continua, y autoridadnan ta evalua tur posibilidad pa determina e paradero di Sudiksha Konanki.

*Feliz Dia di Himno y Bandera*

**SERVICIO DI SVb DURANTE DIANAN DI FIESTA**

**Notificacion di AO**

**Diasabra 15 di maart 2025**

**Diadomingo 16 di maart 2025**

**Dialuna 17 di maart 2025**

**Diamars 18 di maart 2025**

**MiSVb Trahado app 7am - 11am (unicamente)**

**SVb**  
SEGURIDAD PA ARUBA SU COMUNIDAD




# APPLAUSO PA E 2 CABALLERONAN AKI NA TA SECURITY PA E AREA TURISTICO Y DI NAN PROPIO BOLUNTAD A RUIM OP E SUSHEDAD!



Mainta tempran nos a logra capta momento cu esnan cu ta percura pa seguridad di e turistanan na beach di nan propio boluntad a piki tur e sushedad formando mahos bista. Nan merece un bon applauso pa nan bon gesto aki cual no ta nan trabao pero ta hacie! Mar'e tin mas hende ta haci mescos pa asina nos tin un isla mas dushi cu nos por disfruta di dje.



## INVITACION PA PARTICIPA NA “KICO NOS TA COME” A SALI



lo bay ta eherciendo un Total Diet Study (TDS) cu ta un estudio total, cientifico pa por haya informacion di nos comunidad riba producto y alimentonan mas consumi na Aruba y analisa e resultado di esaki cu malesanan cronico manera diabetes, presion halto y obesidad.

Pa cu e encuesta aki 500 adres a wordo selecciona pa CBS, reparti rond di ful Aruba. E 500 adresnan selecciona lo bay ricibi un carta den nan postbus cu e invitacion pa partisipa na e investigacion “Kico Nos Ta Come?”. Den e dlanan cu ta sigui un encuestador lo pasa na e casnan cu a haya e invitacion pa selecciona den e cas un persona pa participa. Na e encuesta aki por participa solamente ciudananan cuminsando for di 18 aña bay ariba y tur datos ta keda anonimo.

E studio aki ta consisti di 2 parti:

1. un survey (pregunta) di kico nos ta come. Pa cu e parti

aki e encuestador lo pasa na e cas na 2 ocasion pa haci diferente pregunta.

2. un estudio di laboratorio pa e parti quimico. Abase di resultadonan di e survey “Kico nos ta come” WEB Aruba N.V. lo haci investigacion riba e productonan mas usa y consumi.

E implementacion di e TDS ta importante pa diferente motibo:

1.) E estudio ta hunga un rol crucial pa locual ta safety di nos cuminda. Door di investiga sistematicamente ki substancia nos ta ingeri door di nos alimento, pa nos por identifica e riesgo na tempo y ajusta maneho.

2.) Ademas, e estudio ta duna informacion valioso pa esnan cu ta responsable pa desaroya maneho y pa e industria di alimento. E resultadonan ta juda pa tuma decisionnan informa tocante safety di nos alimento, y nan produccion.

3.) e tin influencia riba educacion di e consumidor. Door di duna



informacion tocante lo cual realmente tin den nos cuminda, nos lo por tuma decisionnan mas informa y consciente pa locual ta nos salud y bienestar.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie\_volksgezondheid\_aruba, subi nos website [www.dvg.aw](http://www.dvg.aw), yama nos na 5224200 of mail nos na [servicio@dvg.aw](mailto:servicio@dvg.aw)

13.03.2025. Cuminsando diabierna 14 di maart e prome invitacionnan pa participa na e investigacion “Kico nos ta come” lo cuminsa yega e diferente hogarnan na Aruba. Manera DVG a informa anteriormente entre 24 di maart cu 30 juni 2025 Departamento di Salud Publico den colaboracion cu IBISA, CBS y WEB Aruba N.V.



# Partido MEP: EVELYN WEVER-CROES Y EDGARD VROLIJK DEN PROGRAMA RADIAL “INTERES DI PUEBLO” DIASABRA AWOR

Diasabra 15 di Maart 2025, Lider di partido MEP Evelyn Wever-Croes y candidato riba lista di MEP Edgard Vrolijk lo ta den e programa "Interes di Pueblo" na Top FM. E programa aki presenta pa Joe Koolman ta riba tur diasabra cuminsando di 11 am pa 1 pm.

Riba e diasabra aki, Lider di partido MEP hunto cu Edgard Vrolijk lo elabora riba e ultimo desaroyonan den parlamento y den gobernacion.

Lider di partido MEP tambe lo duna informacion riba su reciente biahe pa Nacionnan Uni.

Durante e entrevista aki, tambe

nan lo toca e tema di formacion di gobierno nobo, cu ta tardando asina tanto, e preparacion di partido MEP pa laga gobernacion y tur loke partido MEP ta haciendo pa traspasa tur cos pa e gobierno nobo.

Finalmente lo elabora riba Celebracion di Nos Dia Nacional y logronan importante di partido MEP den ultimo añanan.

Partido Movimiento Electoral di Pueblo MEP ta invita comunidad en general pa sintonisa e programa importante aki, diasabra awor 15 di Maart di 11 am -1 pm via radio Top FM pa asina bo ta bon informa.



SINTONISA

## INTERES DI PUEBLO

cu Joe Koolman

**DIASABRA 15 DI MAART**  
DI 11'OR DI MAINTA PA 1'OR DI MERDIA

Invitado  
**Edgard Vrolijk**


hunto cu  
**Evelyn Wever-Croes**








## D.O.W. A INICIA CU E TRABAONAN NA E EX- EDIFICIO DI NICKY HABIBE



Diaranson mainta D.O.W. a sera partinan di caminda di Caya G.F. "Betico" Croes esaki en connexcion cu trabaonan pa basha e edificio

abao y ruim op esaki. En connexcion cu su estado di cay den otro unda esaki lo por herida un of otro persona.



**De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden.**

Het project:

**"Levering door middel van een koopovereenkomst van twee "Dump truck 18/20 yard" ten behoeve van Dienst Openbare Werken.**

**Volgens bestek D.O.W. -nr. 3, dj. 2025**

Korte omschrijving van het werk: Levering van twee dumptruck 18/20 Yard door middel van een koopovereenkomst ten behoeve van Dienst Openbare Werken.

Het bestek is vanaf **14 maart 2025** verkrijgbaar bij het secretariaat van de Directie van D.O.W. (op de 2<sup>e</sup> verdieping) tegen betaling van **Afl. 950,00**.

De betaling moet worden voldaan door middel van Pinpas bij de kassier van de Dienst voor Openbare Werken DOW (Infra gebouw, begane grond) te Sabana Blanco 68.

Inlichtingen worden verstrekt op **20 maart 2025** om **10.00 v.m.** in de grote vergaderzaal (1<sup>ste</sup> verdieping) van de DOW te Sabana Blanco 68.

De Nota van Inlichtingen wordt vastgesteld op **26 maart 2025** en is vanaf die dag verkrijgbaar bij het secretariaat.

De openbare aanbesteding vindt plaats op **25 april 2025** om **11.00 v.m.** op het kantoor van de Directeur van de Dienst voor Openbare Werken te Sabana Blanco 68.

De inschrijver moet bij zijn inschrijving de volgende vereisten overleggen:  
1. Bewijs van inschrijving bij de Kamer van Koophandel.

**Inschrijving dient te geschieden op het aan het bestek toegevoegde en gewaarmerkte inschrijvingsbiljet.**



**Prome Minister Evelyn Wever-Croes:**

**Cu un bunita encuentro sorpresa;**

# **EMBAHADA DI REINO NA NEW YORK TA DESPEDI Y GRADICI PROME MINISTER PA SEMPER A REPRESENTANAN DIGNAMENTE**

**A referi na Prome Minister como e "shining star" cu a comberti  
den e "front lady" di Reino Hulandes**



igualdad y derechonan di hende muhe.

Na final di su reunionnan na New York, Prome Minister a wordo sorprendi cu un bunita encuentro pa Embahada di Reino como despedida y gradicimento pa semper a representa Reino dignamente durante e ultimo 7 añanan na e reunionnan di Nacionnan Uni. Sigur un momento hopi emocional na unda cu por a nota nan aprecio pa e bunita trabou cu Prome Minister a bin ta eherciendo.



Emabahadora Lise Gregoire a duna un discurso chikito na unda el a expresa palabranan di inmenso gratitud na Prome Minister, y a referi na su persona como e "shining star" cu a comberti den e "front lady" di Reino Hulandes. Tambe el a indica cu nan ta sumamente orguyoso di por tabata tin e honor di traha di serca cu Prome Minister y di tabata tin'e como e representante di Reino durante e ultimo añanan.

Como gradicimento pa tur su esfuerzo y gran trabou, e ekipo completo



di Embahada di Reino a regala Prome Minister un vaas cu tulip blauw riba dj'e. E flor tulip ta bin di Hulanda y ta simbolisa tranquilidad, serenidad y paz interno.

Prome Minister na su turno a expresa cu pa su persona semper e tabata

un experiencia bunita y significativo di por a representa Reino tur e añanan aki. Tambe el a gradici e ekipo completo pa tur e sosten brinda na su persona, pa semper a kere den dj'e, y a deseana tur clase di exito den e añanan venidero.

ORANJESTAD - Recientemente Prome Minister Evelyn Wever-Croes a biaha pa New York pa representa Reino un biaha mas na e conferencia di "Commission on the Status of Women" (CSW69) di Nacionnan Uni. Esaki tabata un conferencia di

gran importancia pa Prome Minister ya cu como lider femenino y prome Prome Minister femenino di pais Aruba, e tema aki ta un prioridad. Esaki por a nota tambe den su 7 añanan den gobernacion na unda el a traha duro na conscientisa comunidad riba e tema di



Prome Minister Evelyn Wever-Croes:

# PA E DI 7 AÑA CONSECUTIVO PROME MINISTER A PRESENTA Y PUBLICA RELATO ANUAL



– Diahuebs mainta, 13 di maart durante conferencia di prensa di Gobierno di Aruba, Prome Minister Evelyn Wever-Croes a anuncia, cu gran honor, e publicacion di e Relato Anual 2024 di su ministerio. E Relato Anual a wordo publica cada aña desde cu Gabinete Wever-Croes ta gobernando haciendo esaki e di 7 Relato Anual cu Prome Minister Evelyn Wever-Croes ta entrega.

E relato anual aki ta duna un bista general di e trabounan, iniciativa, logronan y compromisonan di Gabinete Wever-Croes den su maneho. Prome Minister a duna di conoce cu e ta considera e Relato Anual 2024 como un traspaso na e pueblo di Aruba di tur locual e ta bin ta haciendo durante e ultimo 7 aña y mey.

E Relato Anual 2024 ta cuminsa cu un introduccion na unda Prome

Minister ta resalta e resistencia y progreso di Aruba, enfatizando recuperacion economico, integridad y sostenibilidad. Tambe ta subraya esfuerso pa transparencia, anti-corupcion y desaroyo social, y e compromiso pa mehora calidad di bida di nos comunidad.

E Ministerio di Prome Minister ta consisti di cuater carter y cada un tin un rol fundamental den gobernacion di Aruba; Asuntonan General, Innovacion, Organizacion Gubernamental y Infraestructura y Planificacion Teritorial.

Den e Relato Anual 2024, e trabou, e desaroyonan y e esfuersonan di cada carter ta presenta den cuater capitulo bon estructura, y cada uno ta refleha e compromiso pa gobernacion transparente, progreso sostenibel, y mehoramento di bida pa pueblo

Arubano.

Capitulo 1; Asuntonan General: E capitulo aki ta hopi extenso y trata Acuerdo di Gobernacion, Reformanan, Relacionnan den Reino, tambe Relacionnan Exterior y e crisis den Sur America. Tambe e capitulo ta trata Wetgeving, DWJZ, Siguridad Nacional, Veiligheidshuis y Crisis Management Office. Otro paragraaf ta trata Ombudsman, Comunicacion y Comisionnan cu Prome Minister a crea por ehempel e actiecomité Hondenverordening y Comision Nacional di Autismo. Na cierre di capitulo 1, Prome Minister ta compara e gastonan di su ministerio cu e ministerio di e Prome Minister anterior, señor Mike Eman.

Capitulo 2; Innovacion: Aki ta duna relato di Directie voor Innovatie, unda ta trata Futura y EduTech y e-Government.

Capitulo 3; Organizacion Gubernamental: Aki ta papia di Departamento di Recurso Humano, Personeelslasten, Bureau Interne Diensten (BID), CENSO, MFA y Hulpbestuurskantoor.

Capitulo 4; Infraestructura y Planificacion Teritorial, ta referi na Directie Infrastructuuren Planning (DIP), Dienst Landmeetkunde en Vastgoedregistratie (DLV) of Cadaster, Dienst Openbare Werken (DOW) y Dienst Technische Inspecties (DTI).

E relato anual ta finalisa cu un bista riba 2025 (Vooruitblik 2025) na unda cu ta indica kico ta spera pa aña 2025.

Prome Minister:

“Mi ta gradici tur esnan cu a haci posibel e publicacion di e Relato Anual e ultimo 7 añanan. Cu e Relato Anual e legado ta skirbi



y niun hende por cambi'e nunca mas. Manera semper, un copia lo wordo entrega na Gobernador di Aruba y na Biblioteca Nacional pa asina e legado di locual ami ta bin ta haciendo desde aña 2017 como Prome Minister di pais Aruba ta eynan pa futuro generacionnan por tuma bon nota di dje”.

Por lesa y download RA 2024 riba:  
[https://issuu.com/gabinetewevercroesaruba/docs/jaarverslag\\_2024\\_ministerie\\_van\\_algemene\\_zaken?fr=sNWE5YTYzNjI4OTI](https://issuu.com/gabinetewevercroesaruba/docs/jaarverslag_2024_ministerie_van_algemene_zaken?fr=sNWE5YTYzNjI4OTI)





# Celebra Dia di Himno y Bandera na Centro di Bario Savaneta



Diamars 18 di maart, Centro di Bario Savaneta ta invita bo pa su actividad pa celebra nos Himno y Bandera. E actividad ta cuminsa desde 10or di mainta te cu 6or di atardi. Un dia yena cu entretenimento, baile, canto pa deleita tur esnan presente.

Tambe nos lo tin un mini bazaar cu diferente productonan local, manera artesanía, cos dushi y mucho mas, show di cabay y weganan popular pa grandi y chikito cu semper ta trece e ambiente competitivo y animacion. Nos bar y cushina tambe lo ta bon surti. E cushina lo tin dushi cuminda crioyo, sopi, johnny cake y mucho mas.

Meta di e actividad ta pa promove semper nos cultura y tradicionnan como tambe recauda

fondo pa por inverti den e edificio y veld deportivo di Centro di Bario Savaneta. Nos ta invita un y tur pa pasa bishita nos 18 di maart y pasa un rato ameno den compania di bo famia, amistadnan y conocirnan.

Centro di Bario Savaneta ta un centro di recreacion y comunidad unda cu grandi y chikito por bini hunto pa promove e desaroyo mental, social y fisico. Like nos pagina di Facebook y keda al tanto di e diferente actividadnan cu nos ta ofrece durante henter aña pa henter comunidad di Aruba, en particular esnan di Savaneta y besindario.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
585-9500



## CELEBRACION

### *Dia di Himno y Bandera*

📅 Diamars 18 di maart 2025

🕒 10.00 AM - 6.00 PM

📍 Centro di Bario Savaneta



*Bin celebra nos Cultura, Musica y Dushi Cuminda*

#### Weganan Popular

Pa adulto y mucha

#### Gruponan di Baile

Dazzling Dancers, Grupo Baile Nos Cultura

#### Mini Bazaar

Cu diferente producto local

#### Entreteneimento

Caha di Orgel Mi Amor, Brayden Elisabeth, Endrick Panneflek, Tipico Nos Herencia, Tipico Pegasaya, Tipico Tradicion Musical y Dj Aldrick

#### Show di Cabay

Grupo Caballista

#### Koffiemorgen

10.00 - 11.00 AM





# Conferencia di proyecto 'Island(er)s at the Helm' lo tuma lugar na Korsou na oktober 2025

### CALL FOR PAPERS





Anthropology, art & music



Architecture & water management



Policy making & government



Trans-Atlantic academic platform



**Island(er)s at the Helm**  
End Conference

21-23  
October  
2025

Curaçao



### SAVE THE DATE





Anthropology, art & music



Architecture & water management



Policy making & government



Trans-Atlantic academic platform



**Island(er)s at the Helm**  
End Conference

21-23  
October  
2025

Curaçao



E proyecto di investigacion 'Isleñonan na Timon' (Islanders at the Helm) a cuminsa na 2021 pa un periodo di cinco aña. Mientras tanto, mas cu 20 investigado a explora un rango amplio di preguntanan tocante con isleñonan na St. Maarten, Saba, St. Eustatius, Aruba, Boneiro y Korsou a bin ta biba ku retonan di klima, tantu den pasado komo presente. E investigadonan a usa un cantidad di perspectiva for di ciencianan cultural y social -manera ciencia politica, antropologia (visual), etnopaleontologia, musicologia y mas – pa explora un variedad di asunto en cuanto adaptacion na clima.

Durante e proximo conferencia (21-23 di oktober) e investigadonan lo presenta nan resultadonan, refleha riba e ultimo cuatro añanan di e proyecto y comparti perspectivanan cu ta importante pa tur personan cu ta biba y traha riba cualkier di e islanan, incluyendo esunnan cu ta traha den ramo politico, pa investigadonan,

artistanan, activistanan, studiantenan y ademas personanan den sector priva, social y cultural. Nos ta invitabo pa join nos den e combersacionnan aki na Korsou den luna di oktober venidero.

Yamada pa abstracto y articulonan  
E proyecto tambe ta invita investigadonan, profesionalnan y artistanan externo pa contribui nan perspectivanan pa e conferencia. Nos ta busca perspectivanan di profesionalnan dedica na explora interseccionnan cultural, di herencia, retonan di clima, politica, gobernacion y adaptacion sostenibel riba islanan den Caribe. Nos ta invita perspectivanan reflectivo cu ta traha poetica, politica, gobernacion, investigacion, arkitectura, discurso di desaroyo y ta encurasha exploracion di estetica, vosnan di escritornan local, y ademas imaginarianan y narativonan pa cu futuronan caribense. Abstractonan por enfoca riba cualkier area di Caribe y por explora e preguntanan aki den

relacion cu e dinamica ambiental, cultural y politico di e region. E yamada aki ta wordo organisa riba dos


liña di investigacion: uno riba poetica di clima y uno riba politica di gobernacion di clima. E yamada ta sera riba 31

di maart 2025. Por favor bishita nos website pa mas informacion y detaye: <https://www.kitlv.nl/islanders-at-the-helm/>





# Eclipse Total di Luna Saros 123 Dia 14 di Maart 2025 visibel na Aruba



Aruba Astro Research Int. asociacion nacional arubano di astronomia pa medio di su presidente Sr.Marcos Bislip ta informa oficial cu Dia 14 di Maart 2025 lo tuma lugar un evento celestial di un Eclipse Total di Luna Saros 123 conoci como Blood Moon cora color di sanger esaki ta e sombra profundo di planeta tera cu ta cubri e superficie di e luna 100% paso planeta tera ta den un aliniacion perfecto cu e luna y solo na unda planeta tera ta blokia e rayonan di solo cu e luna ta ricibi for di e solo esaki ta tuma lugar na e parti di e luna cu ta wordo observa for di planeta tera y for di un region y area na mundo mientras cu e otro parti di mundo no ta mira e evento ta un area na mundo so ta mira esaki.

Den e caso aki nos region y area so ta mira e evento aki Dia 14 di Maart 2025 y e otro parti na mundo esta Asia lo mira esaki Dia 7 di September 2025. Spera cu tempo coopera nos ta bai tin un eclipse total exitoso pa por observa.

E Eclipse Total di Luna Saros 123 aki na Aruba



lo wordo observa como lo siquiente:

Eclipse Penumbra ta inicia pa 11:57 pm di Dia 13 di Maart 2025.

Eclipse Parcial ta inicia pa 1:09 am di Dia 14 di Maart 2025.

Eclipse Total di Luna ta inicia pa 2:26 am di Dia 14 di Maart 2025.

E Maximo di e Eclipse di Luna ta tuma lugar pa 2:58 am di Dia 14 di Maart 2025.

Eclipse Total di Luna ta termina pa 3:31 am di Dia 14 di Maart 2025.

Eclipse Parcial ta termina

pa 4:47 am di Dia 14 di Maart 2025.

Penumbra Eclipse ta termina pa 6:00 am di Dia 14 di Maart 2025.

Magnitude 1.178








E duracion di full eclipse ta bai ta di 6 ora y 3 min.

E duracion di eclipse parcial ta bai ta di 2 ora y 33 min.

E duracion di eclipse total ta bai ta di 1 ora y 5 min.

E duracion di eclipse penumbra ta di 2 ora y 24 min.

Direccion pa observa e luna y eclipse ta keda parti pabou.

Time	Phase	Event
23:57 Thu, 13 Mar		Penumbral Eclipse begins The Earth's penumbra start touching the Moon's face.
01:09 Fri, 14 Mar		Partial Eclipse begins Partial moon eclipse starts - moon is getting red.
02:26 Fri, 14 Mar		Total Eclipse begins Total moon eclipse starts - completely red moon.
02:58 Fri, 14 Mar		Maximum Eclipse Moon is closest to the center of the shadow.
03:31 Fri, 14 Mar		Total Eclipse ends Total moon eclipse ends.
04:47 Fri, 14 Mar		Partial Eclipse ends Partial moon eclipse ends.
06:00 Fri, 14 Mar		Penumbral Eclipse ends The Earth's penumbra ends.

The curvature of the shadow's path and the apparent rotation of the Moon's disk is due to the Earth's rotation.

Aruba Astro Research Int. lo transmiti e Eclipse Total di Luna Saros 123 via di nos colega experto den transmision via telescope cu e tecnologia mas moderno y miembro di Aruba Astro Research Int. esta Rinus Van Geemen.E transmision ta bai ta via di nos facebookwebpage y ta bai via youtube pa mundo henter.Mientras cu audio di e transmision ta via TOP FM 95.1 radio cu lo transmiti e di dos eclipse di luna biaha pasa tabata parcial e biaha aki ta total esaki ta remote via di Sunrise Radio Aruba pa TOP FM 95.1 via radio den e programa Hit Express cu edicion special dedica

nan e Eclipse Total di Luna Saros 123 digital stereo HD.Tambe Aruba Astro Research Int. lo saca potret y haci filmacion di e eclipse di e luna.E evento por wordo mira tur parti di Aruba y na lugarnan scur mas mihor ainda.Sr.Marcos Bislip presidente di Aruba Astro Research Int. y Director Nacional di Eclipse Lunar & Solar pa cu Aruba lo dirigi y coordina tambe e evento pa Aruba y e transmision via di radio y audio hunto cu Rinus pa cu e imagen di eclipse for di Aruba pa henter mundo for di Dakota, San Nicolas y Sta.Cruz pa henter Aruba y henter mundo.



# MEP kier transparencia riba e amienda di presupuesto 2025

Oranjestad – Fraccion di MEP a manda un peticion na presidente di e Staten Gerlien Croes, pidiendo pa haya copia di tur correspondencia relevante relaciona cu e ambienda presenta durante e reunion di e presupuesto pa 2025. Segun e carta firma pa e lider di fraccion, Hendrik Tevreden, durante e reunion di e Parlamento riba 7 di maart 2025, e presidente di e Staten a para e reunion di forma

unilateral despues cu parlamentario Eman a entrega un amienda. E decision pa suspende e reunion a stroba otro miembro di MEP pa propone cambio den e presupuesto. MEP ta pidi claridad riba esaki, referiendo na e Ley di Raad van Advies 2022, cu obliga e Raad van Advies pa duna opinion si tin cambio importante den un ley. Mescos, segun e Ley di Supervision Financiero

di Aruba (LAft), e Minister di Finanzas tin cu pidi opinion di CAft si tin cambio den e presupuesto. Segun e fraccion di MEP, e informacion tocante esaki no a wordo comparti pa e instancia relevante. Pa motibo di transparencia, MEP ta exige pa tur documento relevante wordo entrega prome cu 14 maart 2025, pa por haña un vista claro di e proceso di decision.



E fraccion ta warda un presidente di Staten di reaccion rapido for di e Aruba.

## Delegacion Hubileo Hubenil 2025 ta celebra Dia di Himno y Bandera na Club Caiquetio



**Stichting Angels & Stars Aruba**

**CELEBRACION HIMNO Y BANDERA 18 DI MAART**

**CLUB CAIQUETIO PARADERA**  
10:00 AM - 4:00 PM

**CUSHINA CRIYO Y BAR BON SURTI**  
COS DUSHI OF SWEET BOX  
SNACKSBOX  
KIDSCORNER

**VLOOIENMARKT**  
PINTA Y BRINDA  
PRESENTACION CULTURAL

**TUR FONDO TA DESTINA PA DELEGACION HUBILEO 2025**

Stichting Angels & Stars conhuntamente cu Delegacion Hubileo Hubenil 2025 tin un gran

celebracion diamars 18 di maart, cu ta Dia di Himno y Bandera na Club Caiquetio, situa

na Paradera y tur fondo cu recauda ta bay pa Delegacion Hubileo Hubenil 2025 cu ta bay representa Aruba na Italia cu 14 hoben di diferente parokia. Orario di e actividad aki ta 10 am – 4 pm y ta bay tin: cushina crioyo, bar, snackbox, sweetbox, Johnny cake cu salt fish, aroz con pollo, sopi, vlooiemarkt, tambe pakete di Pinta y Brinda pa 18+ (pa mas info por yama 6618167 of 5672111). Pa entertainment ta bay tin e.o. Caha di Orgel, Grupo di Baile Masiduri, Rejoice Gospel Group, Kids & Youth in Action, Kris Kross, Shermain Maduro, Quilaini Jansen, Danniell Kevin Willems y otro presentacionnan cultural pa adulto, hoben y mucha. Tambe ta bay tin un competencia di baile di Cah'i Orgel pa esnan cu ta biba nos cultura. Den Kids Corner ta bay tin



**Stichting Angels & Stars Aruba**

**PINTA Y BRINDA**  
Nos Bandera  
Nos Orguyo

Cultura bo tin cu bib'e! Bin descubri bo creatividad riba Dia di Himno y Bandera. Y disfruta di un brindis.

**35 AWG pa persona**  
**18+**  
Diamars, 18 di Maart  
10 am - 4 pm  
Club Caiquetio Paradera

**TUR MATERIAL, CHARCUTERIE Y MIMOSA TA INCLUI**  
Espacio limita

**Pa reserva yama 661-8167 / 567-2111**

**TUR FONDO TA DESTINA PA DELEGACION HUBILEO 2025**

pa nos muchanan: wega pa mucha, face painting, figura di blaas, popcorn, cotton candy y hopi mas.

Delegacion Hubileo Hubenil 2025 ta desea pueblo di Aruba un feliz Dia di Himno y Bandera!



Minister Rocco Tjon:

# “FORMADORNAN TA TRECE INFORMACION INCORECTO PADILANTI”

Weergave van voorgestelde wijzigingen


Om zo snel als mogelijk de koopkracht van de burgers te stimuleren, inkomensondersteuning te geven aan gepensioneerden en investeringen te plegen in het duurzaam verdienmodel, stellen de Statenleden van de fracties van de AVP en FUTURO de volgende wijzigingen voor:

- 1. Het verlagen van de accijnzen op minerale oliën met 10 centen per liter per 1 mei 2025;
- 2. Het verhogen van de reparatietoeslag aan gepensioneerden - om te beginnen - met Afl. 250 per maand per 1 mei 2025;
- 3. Het verhogen van investeringen met + Afl. 30 miljoen in 2025;
- 4. Het verlagen van Goederen en Diensten met 10%;
- 5. Het verlagen van de personeelslasten bij de Bureaus van de ministers met 10%;
- 6. Het toekennen van een subsidie aan Fundacion pa Nos Comunidad van Afl. 474.000





























Oranjestad – Minister Rocco Tjon a sali den defensa contra informacionnan cu, segun dje, ta erroneo y confundi e pueblo. E formadornan cu a sali for di Gobernador a trece informacion incorrecto, afirmando cu e recorte di 10% ta riba auto di Gobierno y e Ministerionan. “Sea nan no ta comprende kiko nan a propone den e amienda, of nan kier bolbe troce e berdad,” Minister Tjon a bisa. “Pero si bo mira e potretnan adhunto di e amienda, ta kla cu nan ta referi especificamente na e departamentonan y no simplemente na gasto

general di Gobierno.” Den e prome parti di e potret, bou di punto nr. 4, por mira claramente e referensia na e recorte di gasto di Goederen en Diensten cu 10%. Mientras den e segundo potret, e ta inclui un splicacion amplio di dicon nan kier implementa e recortenan den e departamentonan gubernamental. Minister Tjon ta insisti cu e informacion mester ta cla pa e pueblo, sin manipulacion. “E berdad ta cla riba papel, e pueblo mes por wak e documentonan y saka nan conclusion.”



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Anochi - March 13, 2025

 Sorteo # 8495 <b>0632</b> <b>0886</b> <b>7475</b>  <b>FP</b>  Sorteo # 7539 <b>2284</b>  <b>X2</b>  Sorteo # 2244 <b>2159</b>  Sorteo # 6298 <b>0786</b> <b>Aries</b>  Sorteo # 1228 <b>010</b>  <b>FP</b>	<table><tr><td> Sorteo # 2575 0 x Jackpot 0 x Match 4+ 2 x Match 4 91 x Afl. 12,00</td><td><b>02-14-24-29-34</b> Joker 18 Letter C Proximo Jackpot <b>190.000,-</b></td></tr><tr><td> Sorteo # 6768 0 x Jackpot 9 x Match 4 165 x Afl. 8,00</td><td><b>02-03-05-17-18</b> Proximo Jackpot <b>55.000,-</b></td></tr><tr><td> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</td><td>Mega Ball Proximo Jackpot <b>280.000,-</b></td></tr><tr><td> <b>Afl. 380.000,-</b></td><td></td></tr><tr><td> Sorteo #</td><td></td></tr></table>	 Sorteo # 2575 0 x Jackpot 0 x Match 4+ 2 x Match 4 91 x Afl. 12,00	<b>02-14-24-29-34</b> Joker 18 Letter C Proximo Jackpot <b>190.000,-</b>	 Sorteo # 6768 0 x Jackpot 9 x Match 4 165 x Afl. 8,00	<b>02-03-05-17-18</b> Proximo Jackpot <b>55.000,-</b>	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot <b>280.000,-</b>	 <b>Afl. 380.000,-</b>		 Sorteo #	
 Sorteo # 2575 0 x Jackpot 0 x Match 4+ 2 x Match 4 91 x Afl. 12,00	<b>02-14-24-29-34</b> Joker 18 Letter C Proximo Jackpot <b>190.000,-</b>										
 Sorteo # 6768 0 x Jackpot 9 x Match 4 165 x Afl. 8,00	<b>02-03-05-17-18</b> Proximo Jackpot <b>55.000,-</b>										
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot <b>280.000,-</b>										
 <b>Afl. 380.000,-</b>											
 Sorteo #											

## Wayanan di coriente a sak te colga abao formando peliger pa e trucknan halto

Diaranson madruga a drenta informe di cu un truck a ranca un waya di coriente colgando hopi abao na Kudawecha, mesora a dirigi un patruya na e sitio. Na yegada di e patruya a bin compronde cu un waya di coriente cu un truck a pasa ranca e waya cu tabata colga hopi abao formando peliger di cu trucknan halto a pasa ranca esaki y coriente a bay na un cas. Elmar cu tambe ya a ser avisa a presenta y a resolve e problema aki y a conecta coriente bek na e cas perhudica.





# Un oportunidad pa tin bo propio uniform di #TEAMARU!

Comite Olimpico Arubano cu Sale na  
Vondellaan 27

Diasabra dia 05 di April proximo, Comite Olimpico Arubano lo ta tene un tremendo uniform SALE na oficina di COA na Vondellaan 27, situa na Oranjestad.

Aki COA lo ta presente di

10:00 am te cu 6:00 pm y tur articulo di uniform di marca TOTTO, cu sigur ta hopi popular y hopi reconoci pa tur hende den comunidad.

Durante e ultimo SALE kinan, tur uniform y demas articulo di COA

di marca TOTTO lo ta na 50% of mas di descuento, pues un oportunidad unico! Si bo ta deportista, entrenador, dirigente deportivo of kier apoya nos atletanan local cu ta destaca, bin topa diasabra dia 05 di april proximo!



5 APRIL

**SALE**  
**50% OFF**

TUR COS NA 50% DESCUENTO OF MAS!

BENTA DI UNIFORM  
5 DI APRIL  
10:00AM TE CU 6:00PM

**LUGAR**  
VONDELLAAN 27, EDIFICIO COA

CASH OR TRANSFER ONLY!

## SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		



# FORTALEZA PA FAMIA

Scirbi pa Pastor Marcel Balootje.

## PONE BO MATRIMONIO Y FAMIA DEN MAN DI DIOS

Matrimonio entre homber y muher ta e unico formula cu Dios a usa riba e mundo aki, pa multiplicacion di hende, pa asina mundo por wordo yena cu ser humano.

Tur ser humano a nace for di un homber y un muher esey ta un berdad cu tur hende mester acepta, y no hunga wise, pasobra ningun hende na mundo no por cambia nada, cu Dios a establece.

Mundo ta yena cu copia, pasobra diabel gusta copia, e ta master den disfras, e ta pone koper lombra manera oro, e ta muestra un caminda masha bunita, cual e final ta un desaster.

Dios a institui matrimonio, den Genesis 2:18 Dios a mira cu no

ta bon pa e homber ta su so. Pesey E a traha for di ribchi di homber e muher, y e homber mes a yame muher pasobra e ta carni di su carni y weso di su weso.

Pesey e homber lo bandona cas di su tata y su mama y uni cu su esposa y nan dos lo ta un solo carni.

Un solo carni, ta nifica un solo carni den tur cos, si bo mira un mucha, bo ta compronde cu su mayornan a uni den un relacion sexual y a produci un yiu, pasobra e palabra di Dios no ta cambia.

Awendia tin hende ta sinti nan mes ofendi ora e berdad wordo presenta cu tur luho y detaye, pero ta dificil pa trose of rechasa e berdad, ora e berdad ta para nos dilanti.

Den un matrimonio e homber y e muher ta uno, uno ora nan ta den oracion, uno ora nan ta den relacion, y uno ora di tuma decision.

Semper ta cos di hari ora bo ta tende un pareha casa ta discuti cu otro bisando, abo a gasta mi placa, enbes di pone cabes hunto y controla gasto, pasobra boso ta uno, ora cosnan no wordo paga, ta boso dos ta sinti, ora no tin cuminda den cas ta boso dos ta sinti, ora muchanan no tin uniform pa scol, ta boso dos ta sinti, awor ta kico

mas mester sosode pa boso dos comprende e unidad cu Dios ta demanda di boso den matrimonio.

Den un matrimonio Cristo Hesus ta e cabes, despues e homber, despues e muher, y despues e yuinan. Asina cu un muher cuminsa pensa cu e tin mas di bisa cu e homber, y si e homber no ta haci manera e kier, e ta manipula e matrimonio, e cos a sali for di ordo di Dios. Y asina ordo di Dios no ta presente, presencia di scuridad, ta sali na cla, pasobra e enemigo gusta caminda tin rebeldia contra e palabra di Dios.

Tin hopi hende ta puntra nan mes dicon cos no ta cana bon den cas, esey ta sosode ora hende ta purba overrule otro su autoridad, y esey ta trece falta di respet cune, discucion, y division den hogar.

Un muher virtuoso ta corona di su esposo, ma e muher cu ta causa berguensa ta manera, putrimiento den su wesonan. ( Proverbionan 12:4).

Den un matrimonio, Dios su naturalesa mester wordo refleha, cual ta Amor, Unidad, y Pordon. Sea un testimonio bibo di Dios su amor. Lanta boso yuinan pa sirbi Dios.

Esaki ta Mi mandamento, cu boso stima otro mescos cu Ami a stima boso.

Tur esposo mester respeta y stima nan esposa, y e esposa somete su mes na su esposo.

Ma awor ta keda fe, speransa y amor, ma esun di mas excelente di esakinan ta amor.( 1 Corintionan 13:13

**Pa Orashion prome  
cu entierro  
ESTA VIGILIA  
y orashion despues  
di entierro esta  
OCHO DIA  
por jama  
Atanasio Bremono**

**Cel. 569 2763  
of 568 6141**

**SEMPER NA BO ORDO**





# Oracion di dia

## Un feliz dia bendiciona yena cu gracia di Dios

**"Lo Bo ta sacerdote pa semper na e mesun manera cu Melkisedec."  
(Hebreunan 7, 17b)**

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salbacion.

Amen